

Gvangjsih Minzcuz Bau

ganhhau: CN45-0036 B.2020 Nd.3 Ng.25 liggaueq gengcej nienz ndwensam co'ngaih

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3416 期

“Sam Nyied Sam Bouxcuengh • Aen Ciet Angq Betgveiq” Daihgingz Cawjdaez Vangjyez Hwnjsienq

“Sam nyied sam Bouxcuengh • aen ciet angq Betgveiq” vwnzva lijyouz siufeiq binjbaiz ginggvaq Swcigih Dangiveij, Cwngfuj laebdaeb seiq bi roengzsim dajcauh, gaeng baenz aen hoihhoengh langhbaij gij yinxdaez minzcuz vwnzva, doidoengh ginghci hwnghat, coicaenh minzcuz doxgiet. Bineix “sam nyied sam” cawjdaez dwg “hoenx binghra, buet siujgangh, baenaj seizdaih moq”, maeuzveh baenzroix hozdung gwnz muengx miz daegsaek, miz cauh'ei. Ndwen 3 ngoenz 23, “sam nyied sam Bouxcuengh • aen ciet angq Betgveiq” daihgingz cawjdaez vangjyez cingqsik hwnjsienq, cinghab “bauq, muengx, veih, donh” swhyenz, daengx gih gak dieg daengxcungq gwnz muengx “sam

nyied sam” hozdung “daengx muengx doeng”.

Ciuq anbaiz, Gvangjsih Sinh-vwnzvangj hailaeb PC donh “sam nyied sam Bouxcuengh • aen ciet angq Betgveiq” cawjdaez vangjyez, Gvangjsih Yinz gwzhudonh hailaeb soujgihdonh cawjdaez vangjyez iq, doxyungz Mancuengh, aemdomq, Liuz Sanhcej daengj gij yenzsu Bouxcuengh, gig miz Gvangjsih daegsaek. Yiebmienh daeuz cungdenj langhbaij “sam nyied sam” hozdung saengsik, dieg muengxyoux louz vah, dieg guhcaemz doxdoeng daengj, yiebmienh lwg couh yungh doz, saw, sing, sibinz, H5 daengj hingzisk doxyungz yienh'ok “heiqfaenh Mbanj-cuengh noengz” “doxduenq youz Gvangjsih” “angj minzcuz diyzuz” “ciet

ndwenngoengz raeuj sim” “doxhuz youq Betgveiq” haj aen banjgvai neiyungz fungfouq, fat hozdung saengsik, doz saw sibinz, cigboq vangcej daengj, doengzseiz lij lienzhab Cunghyangh meizdij, daengx guk cujyau sanghyez vangjloz meizdij caeuq daengx gih “1 + 14 + 111” yungzmeizdij bingzdaiz, gak dingh giz cwngvu sinhmeizdij itheij, yinx vunzlai gvangqlangh caeuqfaenh.

Gicej rox daengz, daj ndwen 3 ngoenz 26 daengz ndwen 4 ngoenz 26, swcigih caengzmienh cujiz maeuzveh 21 hangh cujyau hozdung caeuq gak deih gwnz muengx hozdung yae laebdaeb haiguh, ndawde “ciet ndwen-ngoengz raeuj sim” yae laebdaeb guh daengz ndwen 5 ngoenz 26.

(Cangh Anhyenz Cinz Ligez)

Gungheungz Minzcuz Cunghyoz Ndaej Aen Cwngheuh “Dieg(Danhvei) Guhyiengh Minzcuz Doxgiet Cinbu Daengx Guek”



Mboengqneix, aen siu-sik ndei ndeu daj Baekging cienz daeuj, Gveilin Gungheungz Yauzcuz Sw-cien Minzcuz Cunghyoz ndaej aen cwngheuh miznaj “dieg(danhvei) guhyiengh minzcuz doxgiet cinbu daengx guk” Guekgya Minzveij aeu hawj haenx. Aen hagdangz neix bi 2002 ndwen 9 laebbaenz, dwg aen hagdangz dieg Mbanjyauz hagseng youq hagdangz ninz fungsak guenjieix ndeu, hagseng youq hagdangz daih'iek 2000 vunz, hagseng minzcuz vunznoix ciemq hagseng cungsoq 70% doxhwnj. Ndaw doz dwg mbaw doz swliu. Hagseng angq diuq fouxsaux.

(Cwng Ciminj/郑智敏)

Fwenvuengz Mbanjcuengh Gwnz Muengx Doxdax Eu Fwen

Eu fwen ciengqgok “sam nyied sam”, fwenvuengz gwnz muengx doxdax, dujva minzcuz doxgiet angj hai, ngaiz binghra yingyangj, bineix “sam nyied sam” caezgya mbouj ndaej doxcomz eu fwen. “Caez eu Fwenvuengh sing rwnzhap minzcuz doxgiet dem rengzak—bi 2020 Gvangjsih ‘ndwen senhconz minzcuz doxgiet cinbu’ gwnz muengx eu fwen doxdax” youz Gvangjsih Minzcuz Bause lienzhab Gvangjsih Sam Nyied Sam Cazcise, Nanzningz Si Minzcunghveij, Liujcouh Si Minzcunghveij, Gvangjsih Gyauzsi Vwnzva Cauh'ei Mizhanh Gungshw daegbied maeuzveh banh haenx, 12 boux fwenvuengz Mbanjcuengh, youq gwnz muengx caez eu fwen, yienjok ndeiawj. Mboengq ndwen 3 ngoenz 26 daengz ndwen 4 ngoenz 26, gak boux beixnuengx mbouj yungh ok dou, couh

ndaej youq gwnz muengx doxcomz yawj eu fwen, roxnyinh gij yinx gwnz muengx eu fwen.

Gaiq “gwnz muengx fwenvuengz” doxdax neix yae youz “Yah Vujsenh” Goz Siulenz, Banh Lungzhaij, Vangz Ligingz, Veiz Cihbauj, Liengz Cuiyungz, Ciengj Cwngz, Loz Couhlanz, Siz Cwngz, Loz Vwnzvei, Veiz Ciuhcinz, Vangz Gozgvanh, Liu Cangznenz daengj 12 boux canghfwen ndawbiengz mizmingz, hopheux “cin raeuj va hai Betgveiq doxhuz” cawjdaez, doenggvaq fwen cauhnduj cungj fuengsik miz minzcuz daegsaek neix yienjok hawj caezgya yawj.

Doxdax yae youq ndwen 3 ngoenz 26 banhaet 10 diemj youq Gvangjsih Minzcuz Bause guenfueng veihsin bingzdaiz (gxmzbwx), guenfueng vangj-can ciendaiz yiebmienh (http://www.gxmzb.net/node_298.htm) daengj cen-

meizdij itheij guh gwnz muengx cigboq. Ndwen 3 ngoenz 26 daengz ndwen 4 ngoenz 26, Gvangjsih Minzcuz Bause guenfueng veihsin bingzdaiz yae lienzdaemh boqcuengq gij sibinz eu fwen 12 boux fwenvuengz Mbanjcuengh, doengzseiz haidoeng youq gwnz muengx ganggoj, damqra 12 boux fwenvuengz baenzlawz guhfwen, caeuq ciuhvunz gyoengqde mbouj doxdoengz. Gyoengq beixnuengx mboujdan ndaej doenggvaq Gvangjsih Minzcuz Bau Vangj (http://www.gxmzb.net/node_298.htm), Gvangjsih Minzcuz Bause guenfueng veihsin bingzdaiz (gxmzbwx) yawj cigboq, lij ndaej haeuj yiebmienh boqcuengq bae douzbiuq, douz hawj canghfwen bonjfaenh gyaenz haenx.

(Bonjbauq)

SIUSIK DINJ

● Geij bi neix daeuj, Siengcouh Yen ciuq dieg bae guh, hwnjguh dieggoek ndaem caz, yinxhaeuj boux-ak dinfwngz, aeu hwnghat daegsaek canjnieb caeuq “hozcozse + ranzungzhoj” banggungz vunqsik dox giethab, caemhcai yungh gij vunqsik vunz ndaem caz doengjit guenjieix, mbaet, soucawx, gyagoeng, gai daeuj guhnde diuzlien canjnieb, daezsang gij ginghci yauqik mbawcaz canjnieb.

(Vangz Liyen)

● Geij bi neix daeuj, Denhgoz Yen baengh gij rengz gohgi swcigih, Hozciz Si gohyenz danhvei, cingj-hab yienh gaep gohgi dwz-baiyenz, ciuq gij bangfuz hingzisk “canjnieb gapdoi, yienh gaep gapdoi, dingh diemj daengz mbanj, dungjcouz diuhdoh”, hop-heux dangdieg daegsaek dajndaem dajciengx bangfuz canjnieb haiguh bangfuz fugsah, vih aen yienh neix daezhawj gij dinfwngz cengjdingj hung'ak.

(Banh Suhungz)

● Geij bi neix daeuj, Nanzdanh Yen gyalai gij ligdoh bangfuz dinfwngz, youq Bazhih, Lijhuz daengj yanghein laeb dieggoek dajndaem ngaeux, ciuq doengjit cingj dieg dajndaem, doengjit guenjieix dwk raemx, doengjit son dinfwngz, doengjit fuengz binghnon, doengjit sou “haj aen doengjit” iugouz hwnghat dajndaem ngaeux, guhyiengh daiqdoengh dajndaem ngaeux daengz 1000 lai moux, moux sou ndaej 3000 goenggaen doxhwnj.

(Cangh Cin)

● Geij bi neix daeuj, Baksak Si Yougyangh Gih ra cinj diuzroen hwnghat canjnieb, gaenxmaenx daiqdoengh ranzungzhoj haenqrengz hwnghat daegsaek canjnieb, dajcauh nungzyez canjnieb binjbaiz, senjdingh dajndaem mak-gaivaiz, oij, youzcax, batgak, haeuxnaz ndei caeuq dajciengx mou, gaeq daengj canjnieb dangguh daegsaek canjnieb vut gungz ndaej fouq.

(Veiz Mingzsiz)